



PARTII INUIT INATSISARTUNI

7. august.2013

UKA 2013/138

Inatsisartut suleriaasianni § 36 naapertorlugu apeqquteqaatit aallaavigalugit oqallisissiaq.

Nagguqatigut eqqarsaatigalugit ullumikkornit qanimut pimoorunnerullugu qaninnerusumillu sutigut tamatigut qanoq suleqatiginerulersinnaarat siunertaralugu oqallinnissamik siunnersuut.

(Inatsisartunut ilaasortaq Randi Broberg, Partii Inuit)

Tunngavilersuut

Nagguqatigut akililermiittut kinaassutsikkut oqaatsitigut allarpassuartigullu assigiissuteqarfigisagut, tarrarsorfigisinnaasagullu ullumikkumut suleqatigisarneri ersinngingajattutut ajuusaarnartumik inissisimavoq.

Naapillatuaagatsigit qanoq pissarsissutigisartiginerlugit nalunngilarput.

Taamaamat eqqarsarnartarpoq soq taama immitsinnut ungasitsiginersugut, kiisalu soq taama suleqatigiinngitsiginersugut.

Isumaqarpunga, suleqatigiinnerulernitsigut immitsinnut nukittorsaqatigiissinnaanerput suli ullumikkornit annertunerungaartumik ammaassiffigissagipput. Timikkut tarnikkut anersaakkullu nukittuutiinnarnagu aningaasarsiornikkulli aamma ineriartuutaasinnaanera eqqarsaatigalugu.

Sorlaqatigiippugummi, naak ineriartornerup nassataanik avatagiisigut allaassuteqaraluaqisut suli taakkuuvugut, immitsinnullu qaninnerulernissamik utaqqiinnarpasilluta.

Nagguqatigut ilikkagassaqarfigeqaagut, taakkulu aamma uagut ilikkagassaqarfigeqaatigut.

Paarlaasseqatigiinnerulerniarta, takunerulerniarta, qiimmassaqatigiinnerulerniartalu.

Nunarsuup illuatungaanut isiginerujussuarput mumisilaarlugu akitsinnut assignerusatsinnut qiviarnarunissarput piffissanngorpoq.

Nalunngilara siornatigut suleqatigiinnerunissaq pillugu oqallittoqartarmat, timitalersuinerli amigaataasoq nassuerutiitigalugu timitalersugassanut saattariaqalerpugut.